



Ikamva-Ukunonophela
abantwana bethu

IsiKo;o sabancinane

Isihloko sesifundo: Ukunceda

Isikhokelo soMzali

Isikolo seCawa saseKhaya



Mzali Othandekayo

Wamkelekile kwisifundo sesiKolo sabancinane esithi **“Ukunceda”**

Olu xwebhu luya kunika isikhokelo esingekuphi ngendlela oza kusenza ngaso isifundo.

Uzilungiselela usibeke njani na isifundo

Ngezantsi kukho amanye amacebiso endlela onokusilungiselela usenze ngawo isifundo:

Inyathelo	Omakukwenze
1.	Fikelela kwikhasi lebandla eliTsha lobuPostile ngokufaka okanye ucofe kwikhonkco elilandelayo elisuka kwi-WhatsApp: https://bit.ly/3NACSSHS
2.	Qokelela ezi zixhobo zilandelayo ukuze uqiniseke ukuba usilungele isifundo: • iBhayibhile • Isifundo esikwimo yePDF esele ilungisiwe • Incwadi yomsebenzi womntwana kunye neependulo, iikhrayoni, njl. • Isiqwana sevideo sisixhobo esongeziweyo / sisixhobo esongezelweyo sokuzikhethela • ICatechism nakwiCatechism kwimiBuzo neMpendulo (ngokukhethekileyo kwisiqinisekiso) Qaphela: 2.1: Elona xesha lifanelekileyo ekufundiseni isifundo kusemva kwenkonzo yakusasa ngeCawa ukugcina inkqubo eqhelekileyo yesiKolo seCawa. 2.2: Nceda usenze sigqale kumxholo (sibe sifutshane) kangangoko, ucingele ixesha labo lokukwazi kwabo ukuphulaphula (ukugxila kwisifundo) sabantwana bethu-umazi kakuhle umntwana wakho! ISikolo seCawa ngokwesiqhelo asidluli kwimizuzu engama-45. 2.3: Isifundo seseklasini ngaye (Pre-SS, SS1, RI1 okanye Isiqinisekiso). 2.4: Nceda unxibelelane notitshala wesiqinisekiso ukuba ufuna naluphina uncedo okanye ufuna nasiphina isixhobo kwezi zingasentla.
3.	Thandaza (jonga umthandazo osekupheleni kolu xwebhu) kwaye ucele uThixo ukuba akusebenzise njengesixhobo sokuzisa isifundo ngendlela ayakuthanda ukuba sisenze ngayo.



Ukwenza iSifundo seSikolo seCawa ekhaya

Uzilungiselela usibeke njani na isifundo

Siyaqhubeka ukwabelana ngamacebi athile ngendlela esinokuthi silungiselele ukwenza isifundo:

Inyathelo	Omakukwenze
4	Dala indawo yokufunda emnandi, engenasiphazamiso apho wena nabantwana nikwinqanaba elifanayo. Umzekelo: Hlalani phantsi okanye ningqonge itafile.
5	Funda isifundo. Phinda ufunde isifundo ukuze usiqonde. Bukela isiqwana sevideo sesifundo ukufumana ulwazi olungcono lwesifundo.
6	Zenzele amaqaku kwiingongoma ezibalulekileyo ongathanda ukuzikhumbula.
7	Yiqonde injongo yesifundo ekufuneka sikhunjulwe ngumntwana wakho.
8	Fundisa isifundo kumntwana wakho.
9	Mbonise umntwana wakho ivideo kwaye uphinde ugxininise kwintsingiselo.
10	Jolisa umntwana wakho kumsebenzi okwincwadi yomntwana
11	Thandaza, okanye ucele umntwana wakho athandaze ukuvala isifundo.

Izixhobo ezifumanekayo ngokweSikolo saseKhaya

Nazi izixhobo zokuphucula umgangatho wesifundo:

1. Incoko ka-WhatsApp ngesifundo kunye nolunye usapho olunomntwana okwisiqinisekison 2.
2. Xoxa ngesifundo nabanye abazali ukuze ufumane ingcaciso ngokubhekisele kwisifundo ngaphambi kokuba usifundise.
3. Zive ukhululekile ukwenza olwakho uphando ukumana iinkcukacha (ezongelelekileyo).
4. Nxibelelana kunye nomphathi webandla wesikolo seCawa okanye utitshala.



Isifundo

Isihloko seSifundo	Ukunceda
Injongo yesifundo	Isifundo sanamhlanje sisifundisa ukuba ukunceda yinto elungileyo

Isishwankathelo sesifundo:

Namhlanje isifundo sethu simalunga nokunceda abanye okanye abo basweleyo.

Ndiqinisekile niyangqina ukuba ukunceda abanye sisenzo esihle kakhulu

INkosi uYesu yayisoloko ibanceda abantu abeza kuye becela uncedo. UYesu Krestu ungumzekelo olungileyo kwaye sifuna ukuba njengaye ngokunceda abo basweleyo.

Ngamanye amaxesha asisoloko siziva ngathi sinceda abantu abakhalazayo ngalo lonke ixesha okanye nokuba bathetha kakubi ngathi, kodwa sisoloko sisenza njengoko uYesu esenza. Sisabanceda.

Kwakukho ixhegokazi elibizwa nguNksk Boegli osoloko enento yokukhalaza kwaye engabathandi abantwana. Umnumzana uBoegli wayeqhele ukonwabela ukulala emva lemva kwemini kwaye kwakukho abanye abantwana ababedlala ngaphandle. Kwakukho ingxolo enkulu xa ngequbuliso beva izwi lisithi "khanithobe ingxolo kancinci? Ngayo yonke le ngxolo andikwazi ukulala.

Amazwi abantwana athi cwaka okomzuzwana emva koko yonke into ngequbuliso ingxolo yaqalisa kwakhona.

Emva kwethuba kwavuleka ifestile kwakhona waza uNksk Boegli ubuza abantwana ukuba kukho umntu onokuya kwindawo yokubhaka izonka aze amthengele izonka. Wayesiva iintlungu ezimanda edolweni kwaye kwakunzima nokuhamba.

Abantwana basebeza bathi, "Kuya kufuneka aziyele ngokwakhe. Siyadlala ngoku" waza uNksk. Boegli wayivala ifestile baza abantwana babuyela kwimidlalo yabo.

Kuphela nguVerona owaqala ukucinga, wayecinga ngomakhulu wakhe naye owayekhalaza ngeentlungu edolweni lakhe. Waxelela umhlobo wakhe wathi "Masiye kwivenkile yokubhaka sincede uNkosikazi uBoegli"

La mantombazana mabini aya acinezela intsimbi yokunkqonkqoza emnyango kwaye noNkosikazi Boegli wayemangalisiwe kakhulu kwaye enombulelo kuba amantombazana efuna ukumnceda.

Ekubuye kwabo kwivenkile yokubhaka, bobabini bafumana itshokoleti njengesipho sokubulela.



Sithetha ukuthini esi sifundo kuthi namhlanje?

Ke, yintoni esiyifundileyo kwisifundo sanamhlanje, bantwana abathandekayo:

- Soloko ubaluncedo yinto elungileyo onokuyena
- Xa unceda abanye, ayibangeli ukuba bavuye nje kuphela kodwa nawe uziva wonwabile
- UYesu wayesoloko ebanceda abo basweleyo kwaye sifuna ukulandela umzekelo wakhe.
- Ngokunceda abanye sibonisa uthando lwethu kaThixo

Eminye imibuzo esinokuyibuza:

- **Umbuzo:** Kutheni kufuneka sisoloko sinceda abanye?
Impendulo: Kuba kuya kubakho ixesha llokuba nawe ufune uncedo.
- **Umbuzo:** Kwenzeka ntoni xa unceda abanye?
Impendulo: Kuyabonwabisa kwaye unokuzenzela umhlobo omtsha.
- **Umbuzo:** Singabanceda njani abahluphekayo?
Impendulo: Ngokuba nobubele kubo
Ngokubaphatha ngembeko
Ngokwabelana nabo ngokutya kwethu!
- **Umbuzo:** Kwenzeka ntoni xa sinceda abahluphekileyo?
Impendulo: Sibenza ubomi babo bubengcono!

Imithandazo yethu

Umthandazo kaTata noMama wokuthandaza ngaphambi kwesifundo:

Thixo othandekayo, enkosi ngenye imini yothando nobubele baKho.

Nceda sikelela umama notata kwaye usikelele iiNkokheli zethu nabo bonke abahlobo neentsapho zethu

Siyathandaza ukuba sisoloko sikuxabise nokuba sibathobele abazali bethu

Sisikelele ukuze sibe nobubele nothando kwaye sibaphathe kakuhle bonke abantu esidibana nabo ngentlonelo nangobubele

Nceda sikelela esi sifundo sesiKolo seCawa lela nokuba sisoloko sikhumbula ukubulela ngokusisenyule ukuba sibe ngabantwana baKho.

Sifuna ukuhlala sithembekile kwaye sithobekile ude ubuye usithabathele ekhaya kunye nawe.

Sikucela konke oku ngelihle igama laKho. Amen



Umthandazo emva kwesifundo

Bawo othandekayo osezulwini

Siyabulela ngokusigcina sikhuselekile nokusivumela ukuba sibe nokuva elinye ibali elimnandi leBhayibhile.

Enkosi ngokusikhusela nokusigcina sikhuselekile nakweyiphipina ingozi.

Siyakucela usincede ukuba sisoloko sithobekile kumama notata nokuba sibe nobubele kuwo wonke umntu esidibana nabo. Sincede ngomsebenzi wethu wasekhaya.

Sikelela iNtloko yethu yabaPostile, abaPostile nazo zonke iinkokheli, Nceda ubagcine kwehambo zazo ukuze zisifundise ngakumbi ngomsebenzi wakho omkhulu, Thixo.

Siyakucela ukuba uncede bonke abantwana bakho, ingakumbi abo bagulayo bengenank ukutya okanye indlu. Nceda yiza kwamsinya usithabathele ekhaya.

Sikucela konke oku, kungekuba sikusebenzele, kodwa egameni likaYesu. Amen.